

典故列女傳

亨

典故列女傳卷之二

婦言篇

○班氏曰。婦言不必辯口利辭也。擇詞而說。不道惡語。時然後言。不厭于是謂婦言。

右第一章。承首篇婦言而立言也。以下七十八章。雜引古人之言行以明

之行去聲

○明徐后諭命婦曰。妻之事夫。豈止衣服饋

必有德行之
言相最方是
賢助若徒
勤儉持家在
小民之妻則
可在命婦則
非矣

食必有德行之助焉。常情朋友之言有從有
違。夫婦之言婉順。易入。今諸命婦可不思有
以翼贊乎。百姓安則國家安。國家安則君臣
同享富貴無窮矣。行去聲
易音異

右第二章婦人之言。不出閭閻。明最
相親切。朝夕談論者。惟夫耳。然恃牀
第之愛。放言媚辭。君子以爲褻也。忠
臣事君。繩愆糾謬。賢女事夫。道亦如
之。則相規以德。正言嶽嶽者。貴焉。述

易夫之言自此以下二十有三章

第音

姊

○女曰雞鳴。賢夫婦相警戒之詞也。其詩曰。
女曰雞鳴。士曰昧旦。子興視夜。明星有爛。將
翱將翔。弋鳬與鴈。次章曰。弋言加之。與子宜
之。宜言飲酒。與子偕老。琴瑟在御。莫不靜好。
三章曰。知子之來之。雜佩以贈之。知子之順
之。雜佩以問之。知子之好之。雜佩以報之。
之好
去聲

已下引述數章皆身居寵貴而不敢安於佚樂能以道義匡正其君此後如申之故賢者也

右第三章

○齊雞鳴。思賢妃也。妃能相君以德。不留於逸欲。當風興之時。而心常恐晚。故聞其似者。而以爲真。詩人叙其事。以美之。其詩曰。雞既鳴矣。朝既盈矣。匪雞則鳴。蒼蠅之聲。次章曰。東方明矣。朝既昌矣。匪東方則明。月出之光。三章曰。蟲飛薨薨。甘與子同夢。會且歸矣。無庶予子憎。

音相去聲朝俱潮薨音轟

右第四章

○周宣王皇后姜氏賢而有德事非禮不言
行非禮不動王嘗早臥晏起姜氏脫簪珥待
罪于永巷使其傅母傳言于王曰妾不才至
使君王失禮而晏起以見君王之樂色而忘
德也人苟樂色必好奢好奢必窮欲窮欲者
亂之所興也原亂之興從婢子始敢請罪王
曰寡人不德實自生過非夫人罪也遂復姜
后而勤于政成中興之業

樂俱音洛
好俱去聲

論曰早

臥晏起怠荒之漸也人無論貴賤皆當夙興

夜寐趨事赴功。惟夫耽樂酒色。乃有俾晝作夜失禮之羞。夫婦均有過焉。賢女慎微。恐招非議。是宜以姜后爲法。

惟夫之夫音扶。樂音洛。

右第五章

樊姬者。楚莊王夫人也。王好獵。姬諫不聽。乃不食禽獸之肉。王感而改過。勤于政事。嘗聽朝晏罷。姬曰。何晏也。得無饑倦乎。王曰。與賢者語。不知饑倦也。姬曰。王之所謂賢者何也。曰。虞邱子也。姬掩口而笑。王曰。何也。對曰。

妾執巾櫛十餘年。遣人求美人。進於王。今賢
於妾者二人同列者七人。妾豈不欲擅王之
寵哉。不能以私蔽公。欲王多知人也。今虞丘
子相楚十餘年。所薦非子弟。則族昆。未聞進
賢退不肖。是蔽君而塞賢路。妾之所笑不亦
可乎。王悅。明日以告虞丘子。避席不知所對。
於是避舍。使人迎孫叔敖。以爲令尹。治楚三
年。而王以霸。樊姬之力也。好去聲。潮音。
潮相去聲。

右第六章

○齊桓公好淫樂其夫人曰衛姬諫不聽姬
爲不聽音樂齊侯感而放鄭聲遂霸天下

好去

聲爲去聲

右第七章

○越姬者勾踐之女。楚昭王姬也。昭王燕遊。
蔡姬越姬參乘。登附社之臺。以望雲夢之囿。
王曰。樂矣。顧蔡姬曰。願與子生若此。死又若
此。蔡姬曰。願之。生同樂。死同時。王謂太史書
之。蔡姬許從。孤死矣。顧越姬。越姬曰。昔我先

輕言諾者必失信

君莊王淫樂三年不聽政事終而能改卒霸

天下妾以君王能法先君將改斯樂而勤于

政也。今則不然而要婢子以死其可得乎妾

聞之諸姑婦人以死彰君之善益君之寵不

聞其以苟從闇死爲榮妾不敢聞命王悟加

敬禮焉

節。樂俱音洛要平聲

居二十五年王救陳二

姬從王病在軍中有赤雲夾日如飛鳥王問

周史史曰是害王身然可移移于將相王曰

將相于孤猶股肱也何可移禍越姬曰大哉

君王之德。以此妾願從王矣。昔日之遊淫樂也。故不敢許。今君王復於禮。國人皆將爲王死而況妾乎。願先驅狐狸于地下。王曰。昔者吾戲耳。若今必死。是彰孤不德也。越姬曰。昔日妾雖不言。心已許之。妾死王之義。不死王之好也。遂自殺。王薨。蔡姬竟不能死。子間子西等迎越姬之子熊章立之。是爲惠王。將相俱去

聲樂音洛皆將之將如字爲王死之爲去聲已音以好去聲

右第八章

○齊閔王得宿瘤女以告諸夫人曰昨日出遊得一聖女。今至斥汝屬矣。諸夫人皆怪之。盛服以待。及至宿瘤也。宮中皆掩口而笑。王曰。無笑。不飾耳。夫飾與不飾。固相去十百也。女曰。昔者堯舜桀紂俱天子也。堯舜自飾以仁義。雖爲天子安于節儉。茅茨不翦。采椽不斲。後宮衣不衣采。食不重味。至今數千歲天下歸善焉。桀紂自飾以暴虐。習爲苛文。造爲高臺深池。後宮蹈綺縠。弄珠玉。意非有饜時。

也身死國亡爲天下笑。至今千餘歲天下歸惡焉。出是觀之。飾與不飾相去千萬。尚不足言。何獨十百也。於是諸夫人皆大慚。閔王立以爲后。出令卑宮室。填池澤。損膳減樂。後宮不得重采。期月之間。化行鄰國。諸侯朝之。侵三晉。懼秦楚。一立帝號。宿瘤女有力焉。女死而王怠政。其後燕遂屠齊。閔王走死。夫音扶。夫音扶。

緣重圓切。衣采之衣去聲。朝音潮。

右第九章

○漢成帝時班倢伃有寵帝遊後庭欲與倢
伃同輦載倢伃辭曰觀古圖畫賢聖之君皆
有名臣在側三代末主乃有嬖妾今欲同輦
得無近似之乎帝善其言而止太后聞之喜
曰古有樊姬今有班倢伃

倢音捷
伃音予

右第十章

○漢主聰立劉娥爲后營鸛儀殿以居之延
尉陳元達切諫聰怒命斬之后上言曰今宮
室已備無煩更營四海未一宜愛民力延尉

之言社稷之福也。宜加封賞而乃欲誅之乎。
陛下爲妾營殿而殺諫臣。使忠良結舌。公私
困弊。社稷阽危。天下之罪。皆由于妾。妾何以
當之。妾觀自古敗國喪家。未始不由婦人。不
意今日身自爲之。誠無面目復奉巾櫛。願賜
死此堂。聰覽之變色。引元達上。以表示之曰。
外輔如公。內輔如后。朕復何憂。更名園曰納
賢園。堂曰愧賢堂。鵠與鳳同。已音以爲妾之
爲去聲。喪去聲。復扶又切。

右第十一章

湛露天子燕
諸侯之詩也

○唐太宗賢妃徐氏名惠。幼能屬文。長有淑德。帝營玉華宮。所費億計。妃以帝東征高麗。西討龜茲。翠微玉華營繕相繼。乃上疏諫。其畧曰。以有盡之農功。填無窮之巨浪。圖未獲之他衆。喪已成之我軍。又曰。地廣非常。安之術。人勞乃易。亂之源。願陛下布澤流仁。矜弊恤乏。減行役之煩。增湛露之惠。妾又聞爲政之本。貴在無爲。竊見土木之功。不可兼遂。北闕初建。南營翠微。曾未逾時。玉華創制。雖復

因山藉水。非無架築之勞。損之又損。頗有工
力之費。又曰。珍玩奇巧。乃喪國之斧斤。珠玉
錦繡。是迷心之酖毒。作法於儉。猶恐其奢。作
法於奢。何以制後帝。善其言。長上聲麗音離
喪俱去聲已音

以易音異
酖音鳩

在第十二章

○遼主天祐好獵。往往以國服先驅。所乘馬。
名飛電。瞬息千里。常馳入深林。邃谷。扈從求
之不得。后蕭氏患之。乃上疏諫曰。妾聞穆王